

午22

6

理虛元鑑

全

康瓠仁兄屬題

己亥秋日伯緯書



天璣
金鑑



光緒二十歲在
閏五月朔日
園開書



綺石先生醫道高玄虛勞一門尤爲獨闡之宗嘗曰
人之稟賦不同而受病亦異顧私已者心肝病少顧
大體者心肝病多不及情者脾肺病少善鍾情者脾
肺病多任浮沉者肝腎病少矜志節者肝腎病多病
起於七情而五臟因之受損先生憫世人之病虛勞
者委命於庸醫而輕者重重者危深可痛傷特校昔
賢之書幾千百家如四時各司一氣之偏未逢元會
乃伏讀素靈而啟悟門得其要領叅訂補註集一一
書辨症因詳施治審脉法正藥訛精純邃密後岐黃

而啟發者也其功豈淺鮮哉奈書成身歿易簣之日
猶諄諄以斯世之責至囑於兩世兄及諸門下士而
不肖亦與聞遺命焉今先生雖逝而道在人間長君
伯儒能讀其書次君東菴能繼其志猶子濟明及門
下武林君賓沈子能廣其傳然則先生固未嘗逝也
先生不忍後世病此者夭折而莫救故臨終以山中
宰相事業專付仲君仲君會世變遂棄棘闈而潛心
於箕裘之紹是書之成實其發明者居多所恨身丁
喪亂受梓無人大懼淹沒先生之德是望後之仁人



君子體先生之心登此書於梨棗而廣傳之則吾儕
幸甚天下後世讀其書飲其澤者幸甚受業趙何宗

田氏謹識



理虛元鑑目錄

卷上

治虛脉法總括

治虛脉法分類

治虛有三本

治虛二統

陽虛三奪統於脾

陰虛之症統於脾

(附)

虛症有六因



心腎論

心腎不交論

心腎不交與勞嗽總論

五交論

吐血論

紅症初治法

勞嗽症論

勞嗽初治法

乾咳嗽論



咳嗽痰中帶血珠血絲

論勞嗽吐血能治不能治大旨

虛勞內熱骨蒸論

虛火伏火論

遺精夢洩論

腎痺論

白濁白淫論

女人虛勞

尸疰傳屍勞等症

虛勞當治其未成

知節

知防

二護

三侯

二守

三禁

四難

勞傷非弱症



嘔吐見血非弱症

傷寒見血非弱症

腸風便血不同怯症


懶惰症辨

老年怯症難治說

卷下

虛勞本治方

治虛藥訛一十八辨



理虛元鑑卷上

綺石先生著

古吳柯懷祖德修訂

治虛脉法總括

脉來緩者爲虛軟微弱皆虛也弦爲中虛細而微者
氣血皆虛小者氣血皆少又脉芤血氣脫沉小遲者
脫氣以上皆勞倦之脉又微而數者爲虛熱微而緩
滑者爲虛痰

治虛脉法分類

一心腎不交兩寸弦數兩尺濇紀傳曰左寸脉遲心

虛右寸微滑精氣洩

二夢洩遺精尺寸脉遲而濇心腎不交夢淫精洩真

元耗散不壽之徵又曰寸數脾弦兩尺細數精離位

青年左尺微濇色慾傷正傳曰諸孔動微緊男子失

精女鬼交心脉短小夢遺精尺數相火熾而遺

三漏精右尺弱如髮細天精搖搖寒精自出馬口有

粘膩之累房事不久絕孕

四腎痺寸虛弱而濇尺沉細而數

五夜熱微弦虛數或沉或濇軟弱而細

六骨蒸數大或滑急促細而數

七乾咳嗽左寸濇數右大急數

八虛痰嗽軟細弱氣口微細而數或滑大而虛

九血虛痰火左寸濇而弦數右寸虛大而滑或數而

濇尺中虛濇又曰細而緊數細則血虛數必咳嗽緊

則爲寒寒因血虛而客於肺經反而作熱故脉數而

咳嗽也

十咳嗽痰中帶血珠右寸滑而數或濡而弱卽煎厥

之症



十一咳嗽帶血寸數而大或滑而緊急關寸弦而瀉
卽煎厥

十二勞嗽吐血咳血嘔血咯血卽薄厥脉得諸瀉瀉
爲亡血芤爲失血瀉爲血少際氏曰心脉瀉肺脉虛
或芤或遲爲亡血失精嘔者兼胃火脉經云吐血唾
血脉滑小弱者生實大者死唾血堅强者死濡滑者
生

十三傳屍勞脉經云男人平人脉滑大爲勞極虛瀉
亦爲勞

十四氣口脉弦而數者脉痿也

十五六脉軟弱陽虛極也

治虛三本

治虛有三本肺脾腎是也肺爲五臟之天脾爲百骸之母腎爲性命之根治肺治脾治腎治虛之道畢矣夫東垣發脾胃一論便爲四大家之首丹溪明滋陰一着便爲治勞症之宗立齋究明補火謂太陽一照陰火自弭斯三先生者皆振古之高人能回一時之習尙闢岐黃之心傳者然皆主於一偏而不獲全體



之用是以脾胃之論出於東垣則無弊若執東垣以治者未免以燥劑補土有拂於清肅之肺金滋陰之說出於丹溪已有弊若執丹溪以治者全以苦寒降火有礙於中州之土化至於陽常有餘陰常不足此寔一偏之見難爲古人諱者而後人沿習成風偏重莫挽凡遇虛火虛熱陰劇陽亢之疾輒以黃柏補腎知母清金未能生腎家真水而反以熄腎家真火夫腎者坎象一陽陷於二陰之間二陰者真水也一陽者真火也腎中真水次第而上生肝木肝木又上生

